

საქართველო



საპოლიტიკო, სამეცნიერო და სალიტერატურო ნახატებიანი გაზეთი გამოდის ყოველ კვირა დღას
№ 45 ნოემბერი 1 1898 წ. № 45

შინაარსი: ყიფიანის და გელეიშვილის საქმე. — სხვა-და-სხვა ამბავი. — „კვალის“ კორესპონდენციები. — ვიერიდან ვიერამდე. — საზღვარ-გარეთ. — ახალი ტიპი ჩვენ ცხოვრებაში, კრიტიკული განხილვა (შემდეგი) ალ. წულუკიძისა. — ა. ხახანაშვილის ახალი წიგნი გ. წერეთლისა. — „გვანობა“! ეტიუდი შ. არაგვისპირელისა. — წერილები რედაქციის მიმართ.

რედაქციის ადრესი: არტილერიის ქუჩა № 5, იმის პირდაპირ, სადაც აქამდის რედაქცია იმყოფებოდა.

№ X „ჯეჯილისა“ გამოვიდა და დატურგდება ხელის მომწერლებს.

ყიფიანის და გელეიშვილის საქმე. *)

(წერილი ქუთაისიდან)

როგორც „კვალის“ მკითხველთ უკვე მოეხსენებათ სამსონ ყიფიანის და პეტრე გელეიშვილის საქმე გასულ კვირაში ოლქის სასამართლომ გაარჩია, მომრიგებელ-მოსამართლის განაჩენი ყიფიანის შესახებ გააუქმა და ბრალდებული გაამართლა. ამ საქმის გასაგებათ ურიგო არ იქნება გაეიცნოთ მომრიგებელი მოსამართლის ის საბუთები, რომელზედაც მან ყიფიანის გამტყუნება დაამყარა. აი რას წერს ის თავის მოხსენებაში ოლქის სასამართლოს მიმართ ამ საქმის შესახებ: „...განვიხილე რა ამ საქმის გარემოებები და მოვისმინე რა მომჩივნის და მკაპსუხეს ექტორების განმარტება, მე, მომრიგებელი მოსამართლის თანამდებობის აღმასრულებელი, ვამბობ, რომ პ. გელეიშვილის შეურაცხყოფა, საჯაროთ მიყენებული

სამსონ ყიფიანის მიერ მოქმედებით, სილის გარტყმით, ეჭვს გარეშეა, რადგანაც ეს პირდაპირ აღიარებულია ყველა მოწმებისაგან და ამას არ უარყოფს თვით ბრალდებულიც. აგრეთვე ეჭვს გარეშეა ისიც, რომ ყიფიანი თმაში წაფრინდა გელეიშვილს და, სტუდენტი ჯაყელის სიტყვით, ისე ძლიერათ დაუწყო წვევა, რომ ამას არ შეეძლო არ აელღელება გარეშე მაყურებელი. რადგანაც ასეთი ქცევა, როგორც თავისი ფორმით ისე თავისი მოქმედებით, ნათლათ ჰყოფს კაცის სურვილს ძალადობა მიაყენოს თავის მსხვერპლს (გადაწყვეტილება 1870 წ. № 517), უნდა დაეასკენათ რომ ყიფიანს თმაში წაფრინით ნდომებია უთუოთ ფიზიკური ტანჯვა მიეყენებია გელეიშვილისათვის და არა შეურაცხყოფა ან და ზიზლის გამოცხადება. ეს უკანასკნელი მან უკვე განახორციელა წინეთ სილის გარტყმით და მაშასადამე სრულეობით საქირო აღარ იყო თმაში წაფრენა და მიწევ მოწვევა. რადგანაც საჩივრის ქალაქში დანაშაულობისთვის შეუფერებელი სახელ-წოდების მიცემა, და აგრეთვე კანონის შეუფერებელი მუხლების მოყენა საველდებულო არ არის სასამართლოს და მომჩივან-

*) ამ ნომრისთვის მომზადებული მოწინავე წერილი ვერ გამოდის...

კ. მარქსის ს.ბ. საე. სსრ
სახელმწიფო რ. სპუბლიკა

მოპასუხეთათვის, და რადგანაც კერძო ბრალმდებელსაც კანონით არ აეკრძალებინა სასამართლოში შეავსოს თავისი ბრალდება (46 მუხ. სისხლის სამარ. კანონ.; გადაწყვეტილება 1876 წ. № 252, 1874 წ. № 621 და სხ.), ეს მით უფრო, რომ ბრალდების შეცვლა და შეცვლა კანონით შესაძლებელია არა მარტო შედარებით ასეთ მსუბუქ საქმეებში, არამედ ისეთ მძიმე საქმეებშიაც, რომელნიც უფლებების ჩამართმევით ბოლოვდებიან (752 და 753 მუხ. სისხლი სამარ. კანონ. და გადაწყ. 1868 წ. № 695), ამიტომ უნდა დავასკვნათ, რომ ყიფიანის სამართალში მიცემა, სისხლის სამართლის კანონ. მე-142 მუხლის ძალით, სრულიად საბუთიანია. რაც შეეხება იმას, თუ რამდენათ პატივსაცემია მოპასუხეს ჩვენება, ვითომ მისთვის გელეიშვილსაც შეურაცხყოფა მიეყენებოდა და მისი შუამდგომლობა საქმე განხილულ იქმნას სისხლის სამართლის მე-138 მუხლის ძალით, ამაზე უნდა შევნიშნოთ შემდეგი: პირველათ, ყიფიანის სრულიად სასჯელისაგან განთავისუფლებაზე ხომ ლაპარაკიც არ შეიძლება. მისი დანაშაულობა იმ მოქმედებაში, რომელიც მე-142 მუხლშია მოხსენიებული, დამტკიცებულია და ამას მე-138 მუხლი სრულიებით არ უდგება; და მეორეთ, ესეც რომ არ იყოს, ამის ერთმანეთის შეურაცხყოფათ დასახევა (взаимность индъ) მაინც ყოველსავე საფუძველს მოკლებული იქნებოდა. და მართლაც, ბრალდებული ამტკიცებს, რომ მას გელეიშვილმა ორნაირი შეურაცხყოფა მიაცენა: მოქმედებით—ხელი სტაცა გულზე და წვერებში, და კიდევ ჯოხი გაიქნია, და სიტყვით—შეურაცხმყოფელი სიტყვები მითხრაო. პირველს, გულზე და წვერებში ხელის ტაცებას, ამოწმებს მხოლოდ ორი პირი, წვერთელი და კანდელაკი, მარა ამათი ჩვენება მოკლებულია ყოველივე ნდობას არა მარტო იმისთვის, რომ ისინი ერთმანეთს ეწინააღმდეგებიან (ერთი ამბობს გელეიშვილმა გულზე სტაცა ხელიო, მეორე კი წვერზეო), არამედ იმიტომაც, რომ ამას გადაჭრით უარყოფენ ყველა იქ დამსწრე მოწმეები: ეს არ უნახავს არც ბაქრაძეს, რომელმაც მონაწილეობა მიიღო ამ შემთხვევაში, არც ღურგალ გოცაძეს (მოპასუხის მოწმე), რომლის კარებთან მოხდა ეს საქმე, არც სტუდენტ მეფისოვს, რომლის აზრით, ამ გარემოების დაუნახობა ყოველად შეუძლებელი იქნებოდა, რომ მართლა მომხდარიყო. თუ მივიღებთ მხედველობაში ამ მოწმეთა ჩვენებას შესახებ იმისა, რომ დარტყმამდი რალაც შელაპარაკება გაუგონიათ, ცხადია ისინი იმათთან ახლოს მდგარან, მაშინ როდესაც კანდელაკის იქ ყოფნას პირდაპირ უარსყოფს არა მარტო სტუდენტი ჯაყელი, არამედ ბაქრაძე და მეფისოვიც. ესენი ამტკიცებენ, რომ არც ლაპარაკის

დროს და არც შეტოკების გათავებამდი იქ არაფერი არ ყოფილა ამათ და ერთ ჩოხიანს (გოცაძე) გარდა. მაშასადამე, ყოველივე ექვს გარემოება ის, რომ გელეიშვილს ყიფიანისთვის შეურაცხყოფა არ მიუყენებია მოქმედებით, ხოლო ჯოხის გაქნევა მოქმედებით შეურაცხყოფას კიდევ არ ნიშნავს. ეს მხოლოდ შეუგნებელი მოძრაობაა, რაიცა ინსტინქტიურათ იქმნა გამოწვეული ყიფიანის მოქმედებით და არაერთარი კავშირი არ აქვს ყიფიანის განზრახ შეურაცხყოფასთან. უკიდურეს შემთხვევაში ეს მოქმედება შეიძლება მოასწავებდეს მხოლოდ შეურაცხყოფის სურვილს (покушение), რაც სრულიად არ ისჯება.—რაც შეეხება ყიფიანის სიტყვით შეურაცხყოფას გელეიშვილის მიერ, როგორც მაგ.: „ეს არ ეკადრება რიგიან კაცს, ეს არა-წმინდაო“ და სხ.—ეს არ შეიძლება ცნობილ იქმნას არც უფრო მძიმე და არც თანასწორათ იმ შეურაცხყოფისა, რომელიც გელეიშვილმა მიიღო; ეს მით უფრო, რომ თვით ყიფიანმა მიაყენა გელეიშვილს თითქმის ასეთივე შეურაცხყოფა სიტყვებით: „თქვენ ქუჩა-ქუჩა კრეფთ ქორებსო“. ბრალდებულის შეურაცხყოფას შეიძლება ჰქონდეს მხოლოდ მისი დანაშაულობის შემამსუბუქებელი მნიშვნელობა. რაც შეეხება ზემოთ აღნიშნულ დანაშაულობათათვის სასჯელის გადაწყვეტას, ამ შემთხვევაში სახეში უნდა მივიღოთ შემდეგი: ერთი მხრით, ყიფიანი, რომელმაც თავის თავს ნება მისცა საზოგადო მოედანზე ასეთი მხეცური ფიზიკური გასამართლება მოეხდინა (грубая физическая расправа), ღირსია უმაღლესი სასჯელის, განსაკუთრებით იმისთვის რომ მას განათლება მიუღია და როგორც პედაგოგი ვალდებულია თვითონ მან სხვებს ასწავლოს სიტყვით და საქმით ადამიანის პიროვნების პატივისცემა; ხოლო, მეორე მხრით, ამ სასჯელის შემცირებაზე არ შეიძლება არ იმოქმედოს იმ ალელეებამ, რომელმაც ბრალდებული ჩაფარდა გელეიშვილის შეურაცხყოფით (2 შენ. მე-13 მუხ. სასჯელთა კანონ. და გადაწყ. 1870 წ. № 68, დევოს საქმის შესახებ); ასე რომ მე სამართლიანათ მიმაჩნია დასჯილ იქმნას ყიფიანი საზოგადო ადგილზე ხელით შეურაცხყოფისთვის... სამი კვირით საპრობილემში დატუსალებით ოლქის სასამართლოში განსაკუთრებით ყურადღება მიიქცია ყიფიანის ვექილმა ფალავამ თავისი გალაშქრებით სტუდენტების წინააღმდეგ. სტუდენტების მოწმობა სანდო არ არის, ისინი პარტიის ხალხია და ტყუილს იტყვიანო, ხოლო „სტოროვი“ წვერთლის მოწმობა კი გაცილებით უფრო სარწმუნოაო. მარა რადგანაც წვერთელს იენისში რუსული არ ესმოდა, ხოლო ყიფიანს ზე გელეიშვილს შორის შელაპარაკება რუსულიათ მოხდა, ამიტომ მისი მოწმობაც

სტუდენტების მოწმობაზე უფრო სანდო ვერ უნდა ყოფილიყო, მარა აქ ფაქტად სასამართლოს შემდეგი რუსულათ დაწერილი ქალაქი წარუდგინა; 1898 წ. 13 ოქტომბერი. მე, ქვემოთ ამისა ხელის მომწერი, ვაძლევ ამ მოწმობას სათავად-აზნაურო სკოლის ინსპექტორს სამსონ ყიფიანს იმაში, რომ მე თუმცა რუსული ლაპარაკი არ ვიცი, მარა მესმის და ვწერ რუსულათ. ამ მოწმობას ვწერ და საკუთარ ხელს ვაწერ ალექსანდრე წერეთელი“. აი, როგორ უცებ უსწავლებიათ წერეთლისთვის რუსული წერა! გელეიშვილის ვეკილს, დარწმუნებულს, რომ უთუოთ მოვიგებო, დიდი არაფერი ულაპარაკია. მას არც კი მოუხდომებია ბ. ლ. ლოლუას გადაყენება, რის მოთხოვა მას შეეძლო იმ საბუთით რომ მის წინააღმდეგ პ. გელეიშვილი „ახალ მიმოზ.“ წერდა და მაშასადამე ის გელეიშვილის პირადი მოწინააღმდეგე მსაჯული უნდა ყოფილიყო.

სხვა-და-სხვა ამბავი.

29 ოქტომბერს ხელი მოაწერეს ქალაქსა და უსახელო საზოგადოებას შორის დადებულ ხელშეკრულობას. ამ ხელშეკრულობის ძალით უსახელო საზოგადოება ვალდებულია გაიყვანოს შემდეგი ახალი შტოები: 1, დიდუბისა—მიხეილის ქუჩიდან დაწყებული დიდუბის ეკკლესიამდე. ეს შტო მუშტაიღზე გაივლის, ხოლო თუ მუშტაიღზე ნება არ დართეს, მაშინ ელისაბედის ქუჩაზე; 2, შუა ბაზრისა—ერევნის მოედანიდან სიონის ქუჩაზე ავლაბრის ხიდამდე, სადაც ორთა-ქალის შტოს შეუერთდება; 3 ავლაბრისა—თათრის მიედნიდან სირაჩხანისა, კახეთის მოედანსა და კახეთის ქუჩაზე გოგილოს აბანომდე; 4 ნათლუბისა—ავლაბრის ბოლოდან ნათლუბსა და საყასბომდე; 5, ეს შტო რკინის გზის სადგურიდან დაიწყება „ბულვარი“-ს, ელისაბედის, „სადოვოს“ და მიხეილის ქუჩებზე გაივლის და ვერის შტოს შეუერთდება; 6, სოლოლაკისა—ერევნის მოედნიდან სოლოლაკისა, ძველ-ინსტიტუტისა, ამაღლების ქუჩებზე წყლის არხის ხიდამდე; 7 ვარდისუბნისა—ოლგას ქუჩიდან წყნეთის ქუჩაზე საუფლისწულო უწყების სარდაფამდე და 8, ორთაქალის შტო გაგრძელებული იქნება თაბორისა და ალიხანოვის ქარხანამდე. ელექტრონის ძალა ცხენის რკინის გზის აწ არსებულ შტოებზე უნდა შემოდებულ იქნას ორ წელს შემდეგ, ხოლო ახალ შტოებზე სამ წელს შემდეგ.

საზოგადოება მოვალეა მისცეს ყოველ წლივ ქალაქის თვით-მმართველობას 150 მუქთი ბილეთი

ცხენის რკინის გზით სასაირულოთ. ვერის ხიდამდე ვალდებულია თითო ვაგონზე საზოგადოებამ უნდა გადახადოს 5 კაპ. თასი იმ გზებზე, რომელიც ახლა არის, იგივე დარჩება, ვარდის-უბანის გზით გავლა ელირება 3 კაპ. მუშტაიდიდან ან ბულვარდისა და ელისაბედის ქუჩების კუთხიდან დიდუბის გზაზე 3 კაპ. ერევნის მოედნიდან შუაბაზარზე, თათრის მოედნამდე 5 კაპ. ამ მოედნიან ავლაბრის გზით 5 კაპ., საყასბომდე 5 კაპ., ერევნის მოედნიდან სოლოლაკის გზით 5 კაპ. ბავშვს 5 წლამდე ბილეთის თასი არ გადახდება, ხოლო იმ პირობით, რომ ფეხზე იდგეს. გარდა ამისა ქალაქს ნება ეძლევა „საზოგადოების“ შემოსავლის რაოდენობა განიხილოს, უმთავრეს დავთრებს თვითონ გაუყაროს ზონარი და ბეჭედი დაასვას, ხოლო ათი წლის შემდეგ გაეცნოს ყველა საანგარიშო წიგნებს, გასამართლებულ საბუთებს და სხ. ხელ-შეკრულობის ვადათ დადებულ იქნა 32 წელიწადი, გამოყიდვის ნება ქალაქს 15 წელს შემდეგ აქვს. ქალაქის სასარგებლოთ უსახელო საზოგადოება ვალდებულია იხადოს: პირველ წელს 15,000 მანეთზე არა ნაკლებ, მეორე და მესამე წელს 30,000 მანეთი წელიწადში, შემდეგ ხუთ წელიწადს შემოსავლის 5%, მეორე ხუთ წელიწადს 5 1/2%, ასე რომ კონცესიის ბოლო წელიწადებში გადასახადის რაოდენობამ 9%-მდე უნდა მიაღწიოს.

ბათომის საბჭოს დამატებითი არჩევანი დანიშნულია 8 ნოემბრისთვის.

როგორც გაიგეთ მთავარმართებლის მიერ დანიშნულ რევიზიას უკვე დაუთვალე რევიზია ქალაქის ნაყიდი ვაგონები და ცხენები. ვაგონებში აღმოუჩენია ორი მცირე ნაკლულევიანება, რის გასწორება ადვილია, ხოლო ცხენების ორი წილი დაუწუნებია. ამ ქამათ წარმოებს ქალაქის სანიტარული ნაწილის რევიზია.

კავკასიის საიმპერატორო სამეურნეო საზოგადოებამ მთავარმართებლის კანცელარიას წარუდგინა მოხსენება შესახებ ახალ-ახალი გზების გაკეთებისა და მიმოსვლის გაუმჯობესებისა. მოხსენებაში ნათქვამია, რომ უკეთესი იქნებოდა სოფელს გზის საკეთებელი ფული გადახდეს და არა თვითონ ხალხი გამოჰყავდეთ სამუშაოთა, თვითოეულ გუბერნიაში უნდა შედგეს გზების განსაკუთრებითი კომიტეტი, გუბერნატორის თანაჯდომარეობით, მრეწველთა, მემამულეთა და გადასახადების ინსპექტორებთაგანაო.

ოზურგეთის შუამდგომლობა შესახებ იმისა, რომ

ადგილობრივი სამოქალაქო სასწავლებელი სამეურნეო სასწავლებლათ იქმნას გადაკეთებულიო, კავკასიის სამოსწავლო ოლქის მზრუნველმა არ შეიწყნარა. მიზეზათ ასახელებს იმას, რომ სამეურნეო განათლებას ძალიან ცოტა ხალხი ეტანებაო.

ერთი შევეციის კომპანია შუამდგომლობს ნებადართონ სოხუმში პრობკის პლანტაციების დაარსებისა.

ხელმწიფე იმპერატორმა უკვე დამტკიცა ახალი კომპანია ამ ფირმით: „უსახელო საზოგადოება ნავთის და სხვა მინერალების მომწახველი და მწარმოებელი გურიაში“. საზოგადოება შედგება ბელგიის კაპიტალისტებისაგან.

სოხუმის ვაჭრებს განუზრახავთ დაარსონ საკრედიტო დაწესებულება.

ქვემო-ქიზიყიდან გეწერენ: წელს აქ ძალიან ნაკლებათ მოვიდა ლენინის მოსაყალი, რადგანაც ქვემო-ქიზიყელებმა მხოლოდ დღეს იწამეს ვაზის წამლობა და ახლა ბევრს ნანობენ: რა ღმერთი გაგვიწყრა, რატომ ჩვენც არ ეუწამლეთო. სულადის მოსაყალი კარგი იყო, კაი ფასშიაც დაანადღეს დროზე, რის გამოც ამ შემოდგომაზე იმოდენა რკინის გუთნების მოთხოვნები იჩინა თავი, რომ ორი პროცენტიც ძლიერ დააკმაყოფილეს ვაჭრებმა მსყიდველებისა, 98⁰/₀-ტი კი დარჩა ურკინის გუთნით, რადგანაც თფილისშიაც აღარა ჰქონდათ საკმარისი გუთნები აუფერმანს და კრაუზეს, რომელნიც თითო გუთანში 7-8 მანათს ვაჭრებისაგან იგებენ, და კრძო ვაჭრები კიდევ როკორც უნდათ ისე ჰყიდიან მხენელ-მთესველ გლენებზე. წელს სიღნაღის მაზრაში უკანასკნელათ გაიყიდებოდა 100,000 მანათის გუთანი, რომ ყოფილიყო. დიდათ სასურველია ამ საგულისხმო ამბავს ყურადღება მიაქციოს ჩვენმა საიმპერატორ-სამეურნეო საზოგადოებამ, გამოიწეროს პირველი ხელიდან საუკეთესო სისტემის გუთნები, ჰყიდოს სიღნაღის მაზრაში ბ-ნ გუბერნატორისაგან ახლათ დარსებულ ვენახის წამლების საწყობებში და ამ რიგათ წაუმართოს ხელი ბეჩაე-უპატრონო ხალხის მეურნეობას და დაიხსნას იგი, როგორც ცუდი სისტემის გუთნების მამა-სისხლათ ყიდვისაგან, ისეც გუთნების ნაკლებობისაგან. თუ ხალხის ამ საჭიროებას ყურად იღებს ხსენებული საზოგადოება, ახლაც უნდა შეუდგეს ცდას და გამართოს მიწერ-მოწერა საზღვარგარეთ გუთნის მექარხნებთან, რადგანაც სიღნაღის მაზრაში ოთხის თვის შემდეგ, მომავალ წლის თე-

ბერვალში, უფრო დიდძალი რკინის გუთნების მოთხოვნები იქნება საგაზაფხულოთ.

ბაქო-ბადასანიდან გვატყობინებენ, იქაურ ნავთის მწარმოებელს, ბენკენდორფს, საკუთარ კლუბის ხალხში დაუწყია სახალხო კითხვების გამართვა ბუნდოვან სურათებით. წასულ კვირას მეოთხეჯერ წაუკითხავთ ლექცია. ამავე ბენკენდორფის კლუბშია გამართული „ტენიკურა კურსებიც“, რომელზედაც ჯერ-ჯერობით მარტო ხატეას ასწავლიან, მოქმედებულათ მუშებს. კურსებზე დადის მარტო ამ ფირმის მუშები, ხოლო სახალხო კითხვებზე კი ყველას შეუძლია დასწრება. ეს ერთათ ერთა ფირმაა, რომელიც ცდილობს ევროპიულ ნიადაგზე დააყენოს მუშების მდგომარეობის გაუმჯობესობის საქმე.

იქიდანვე გვატყობინებენ, რომ კნენინა ა. დ. გარინის პრომისლები უყიდა „აზოვსკო დონკოს“ ბანკს 2,000,000 მ. ამბობენ „თფილისის ამხანაგობის“ და თ. ამილახვარის პრომისლებიც მალე გაიყიდებოდა.

იქიდანვე: „ნავ. მწარმოებელთა სივხდის“ ოქტომბრის თვის ცნობებიდან ჩანს, რომ მარამობის თვეში ამოუღიათ ნავთი მთელ პრომისლებზე 36,827,241 ფუთი; იანვრის თვიდან კი დღემდე—320,279,448 ფ. პირველი ადგილი ამ წარმოებაში ეკუთვნის მანთაზოვს და კომპ., რომელსაც 4,967,806 ფ. ამოუღია; შემდეგ მ. ნობელს, რომელსაც, ამოუღია 4,880,461 ფ. და სხ. მთელი წლის განმავლობაში კი ყველაზე მეტი ნავთი ვიზაუს და კომპ. ამოუღია—47,581,675 ფ. რაც იმით აიხსნება, რომ მის ადგილებში თითქმის სულ ფანტანები სცემს. ნავთის ბაზარი ამ ხანებში უფრო გერმანია, საფრანგეთი და ინგლისი ყოფილა.

რედაქციამ მიიღო შემდეგი ახალი წიგნები: სურათებიანი ვეფხის ტყაოსანი ნამბობი მოზრდილ ყმაწვილებისთვის გ. იოსელიანისა, გამოცემა წერაკ. გამ. საზოგადოებისა გვერდი 87. ფასი 25 კაპ.

იუდა (ნადსონიდან) თარგ. ილია ფერაძისა გამოცემა ე. ხელაძისა, გვერდი 13 ფასი 3 კაპ.

უცხო მწერალთა ამბავნი და მოთხრობანი თარგმ. გრ. ყფშიძისა გვერდი 79. ფასი 15 კაპ.

კრილოვის არაკები, თარგმანი აკაკისა, ფასი 30 კაპ.

ახლახან გამოვიდა ახალი წიგნი: „обзоръ Бабинской нефтяной промышленности за 1897 г. и краткія

სწავნისა ო ნეფ. პრომის. ვს პროზომს ი ამერიკის“ რო-
მელიც დიდ მასალას და ცნობებს შეიცავს, ვარდა
ნაწილისა წარმოებისა, მუშების ცხოვრებას შესახებაც.

„კავალის“ კორესპონდენციები.

ქალაქი პიატიგორსკი. გავიდა ზაფხული, დადგა შე-
მოდგომა და ჩვენ პიატიგორსკშიაც გამეფდა სამარო-
სებური სიჩუმე. ბულვარში მუზიკა აღარ ისმის, ხალ-
ხი აღარ ირევა, სასტუმროები და სადგომი სახლები
მომსვლელთათვის დაიკეტა, ზაფხულში სეაქროთ
მოსული ვაჭრებიც გაუდგენ გზას თავისი ბარგი
ბარხანით. დარჩა აქაური მუდმივი მოვაჭრეები, მაგ-
რამ იმათი ვაჭრობაც სულთ-მაბრძოლ ავითმოყფს
წააგავს. აქ არ არსებობს არავითარი კაცის გამრ-
თობი დაწესებულება; წიგნთ-საცავ-სამკითხველო,
თეატრი და სხვა. ქუჩებში მოძრაობა თითქმის შე-
წყვეტილია, თუმცა გავლაც რომ გინდოდეს, ძნელია,
რადგან კისრამდის ტალახში უნდა იტურაგო. საითაც
გაიხედავ, ყოველგან სიჩუმე და სიჩუმე. ასეთ ფერს
იღებს ხოლმე პიატიგორსკი ყოველ შემოდგომის
დაწყებისათნავე, ესე იგი როცა იკეტება სამკურნა-
ლო წყლები და მიდიან წყლებზე სააქიმოთ მო-
სულეები.

პიატიგორსკში ითვლება თერამეტი ათასი მც-
ხოვრები. ეროვნებით, რუსები ყველაზე მეტია, შემ-
დეგ სომხები და მცირედი რიცხვი ქართველებიც ქარ-
თველების მეტი ნაწილი მოვაჭრენი არიან, რომლებიც
მატერიალურათ კარგს მდგომარეობაში იმყოფებიან,
მაკრამ განათლების მხრივ კი ვერ შეუძლიათ, დაიკვე-
ხონ. განათლებათ მარტო გადაგვარება მიაჩნიათ და
კიდევაც შედგომიან გულმოდგინეთ ამ გზას. აქაუ-
რი ქართველი მანდილოსნების შესახებაც შემიძლია
მოგახსენოთ შემდეგი: იმათ ოჯახზე ღქმარშვილზე
ზრუნვა უკუ უგდიათ და შედგომიან ბანკობიას
და ლოტოს თამაშობას. ამისთანებში დიდ გამჭრია-
ხობას იჩენენ; საღამოობით აფრენენ აქა იქ მოსამ-
სახურეებს საუწყებლათ, რომ იმ ღამეს ერთათ შეი-
კრიბონ. კი არ იფიქროთ რაიმე საზოგადო ან სა-
ოჯახო საქმისათვის ჰქონდეთ კრება. სრულიადაც
არა. იმათი შეკრების სავანი არის ან ბანკოს, ან ლო-
ტოს თამაშობა. ხშირათ კაცებიც კი მხურვალე მო-
ნაწილეობას იღებენ ამ საერთო გასართობ საქმეში.
შედინხართ აქაური ქართველის ოჯახში ღ თუ ან
ახლო ნათესავი არ ხარ, ან ძალიან დაახლოვებული,
არ შეგიშვებენ, ეს ძველებური კარჩავეტილობის
მინუშია.

ქურნალ-ვაზნეთები თუმცა ზოგიერთი მოუღისთ,

მაგრამ კითხვაზე მაინცა და მაინც თავს არ იმტვე-
ვენ. მიზეზი ამისი მეტ ნაწილათ ის არის, რომ ხში-
რათ წერია შიგ კიცხვა ამათი მგზავსი ადამიანებისა.
ასე და ამაირ მდგომარეობაში არიან დღეს აქაური
ქართველობა.

ბ. მ — ბე.

ს. თლეუდი (რაჭის მაზრა). ძლიეს, როგორც იქ-
ნა მოერჩით რთველს. ღვინით დატვირთულ ურმებს
საყვარლათ გააქვს ჭრიალი. მებრეებიც გულამაყათ
მიერეკებიან ხარებს შინისკენ და სულ იმის ლაპარაკ-
ში არიან: არა შენ მოგვიდა ბევრი ღვინო და არა
მეო. მართლაც, მკითხველო, რომ ჩავერიოთ მათ
ლაპარაკში და შევიტყუოთ მათი მოსავლის ბედი, და-
ვრწმუნდებით რომ საზოგადოთ წელს რაჭაში კარგი
ღვინის მოსავალი არის. მაგრამ განა მარტო ღვინის
მოსავალი შეუმსუბუქებს გლენს საოჯახო და სხვა
მოთხოვნილებებს? ორთა შუა რიცხვით — თითო
გლენს წელს სამოცი ფუთი ღვინო მოუყვიდოდა, მა-
გრამ ეს სულ არაფერია აქაური ოჯახისთვის: სტუ-
მართმოყვარე გლენი თითო წვეულებაზე ოთხ-ხუთ
ჩაფ ღვინოს ხარჯავს და ამგვარი წვეულება წლის
განმავლობაში ძლიერ ბევრია. მარტო ღვინო ვერ
დააკმაყოფილებს ვერც სტუმარს და ვერც მასპინ-
ძელს. აქ რამდენიმე წელიწადია, რაც სიმინდის
მოსავალმა იკლო და ყოველ წელს საწყალი გლე-
ხს, მიუხედავათ იმისა, რომ იგი დღე და ღამეს ას-
წორებს მუშაობაში, უნდა წავიდეს მოსავლიან კუ-
თხეებში და იქაღან ვაივავლახით უნდა მოათრიოს
თავის წლის სარჩო. განსაკუთრებით თლულში უსი-
მინდობა უმთავრეს როდის თამაშობს, მაგრამ ამით
მაინც არ გატეხია თლულელ გლენს გული; მას კი-
დეფ სხვა მრეწველობის დარგი აურჩევია თავის ვაჭარ-
ებული ოჯახის მისაშველებლათ; ეს განლავთ ხუ-
რობა და მეკურტნეობა. თლულელი გიორგობის
თვის დამლევაშდის სახლს არ შორდება; მიაკარ-მოა-
კარებს იქაურობას და მერმე სამუშაო იარალით გას-
წევს გურია-სამეგრელოსკენ და თავის ერთგული მუ-
შაობით საკმაო ფულს შოულობს. აი, ამ ფულით
იგი ოჯახსაც აკმაყოფილებს და სახელმწიფო გადა-
სახლდაც იხდის.

ბ. ბელ — ბ.

სოფ. ჯაღირა — ზუგდიდის მაზრა. ეს სოფ. აკ-
რავს ზუგდიდს 18 ვერსის მანძილზე. იგი გაშენე-
ბულია მთა-გორებზე და საცხოვრებლათ მეტათ ტან
მრთელი ადგილია. როგორც სხვა სოფლებს, ამა-
საც თავისი ჭირ-ვარამი აქვს. სოფ. ჯაღირა ეკუთნის
კირცხის საზოგადოებას და ითვლება შიგ ოთხმო-
ცამდე კომლი. ერთი გასაჭირთავანი, რომელსაც ამ

სოფლის მცხოვრებლები ითმენენ, არის სიშორე მისი სოფ. კირცხე, რომელიც რვა ვერსის მანძილზე ახლავს მას. ამ სოფელშია სასოფლო სასამართლო და ერთ კლასიანი სამინისტრო სკოლა. ამით სარგებლობს მართო ორი სოფელი: კირცხი და სარაქინი; სკოლის ხარჯს კი, ძალაუფლებით, ჯალირაც იხდის, თუმცა ჯალირლების შეილება იქ არ იზღებინან. არა ნაკლებ გაჭირებას ითმენენ გლეხებიც სოფლის სასამართლოს სიშორის გამო. იქ მისვლა-მოსვლაში სამი ოთხი დღე უცდებათ, რისგამოც აქაურმა მცხოვრებლებმა წინანდელი მაზრის უფროსის ბ. დაღეშკელიანის დახმარებით ითხოვეს საგუბერნიო მმართველობასთან, ეს სოფელი გამოეყოთ კირცხიდან და მიეწერათ იქვე მახლობელ ს. ოზუჯირასთვის, მაგრამ ეს შუამდგომლობა დღესაც დავიწყებას არის მიცემული. იმედია ახლანდელი მაზრის უფროსი განახლებს ამ შუამდგომლობას და დაიხსნის ჯალირლებს ამდენის ბნის განსაცდელისა და უბრალოთ დროს დაკარგვისაგან...

სკოლის და სასოფლო სასამართლოს სიშორესთან ერთად ჯალირლები შეწუხებულნი არიან მოძღვრის სიშორითაც. აქაური მოძღვარი თავის სამრევლოზე 12 ვერსის სიშორეზე ცხოვრებს, რის ნება მას, რამდენათაც ვიცით, სასულიერო მთავრობის კანონის ძალით არ უნდა ჰქონდეს; ის ხუთი ვერსის მეტს ვერ დაშორდება თავის სამწყსოს. ამიტომ კვირაში ერთხელ თუ ინახულებს თავის მრევლს, თორემ სხვა დროს იგი მცხოვრებლებს საძებრათ ჰყავსთ, რისგამოც უზიარებლათ სიკვდილი აქ ხშირია და როდესაც საჭიროა მეზობელ სოფლების ღვდლებს ემუდარებიან აქაური მცხოვრებლები.

ეს ორი წელიწადია ავკილობრივმა ბლალაჩინმა შენგელიამ დიდი მეცადინეობით დაგვიარსა სამრევლო სკოლა, რომლის შემწეობით აქაური გლეხები იმედობდნენ, რომ მათი შეილები თითო ოროლა ანბანს ისწავლიდნენ და სხვა მეზობელ სოფლებს უკან არ ჩამორჩებოდნენ, მაგრამ ბედმა ამ მხრითაც უმტყუნა ჩვენ სოფელს. სკოლას მისი პირდაპირი მზარუნველის წყალობით წამდა უწუმ მასწავლებლები ეცვლებიან.

ს. ბოლქვაძე.

კვირიდან კვირამდე

აზნაურების ანდაზა. — ერთი ნასტუჯენტარი სტუჯენტების წინააღმდეგ. — დიასი დიასის მოაქვის. — დიდ გაცთან მატარა გაცსა, როდის გასვლია მართალი. — კიდევ კასსაცია. — ასე ყოფილა წესი... — ბ. უსტომსკი.

ღიღება შენ ღმერთო! რა და რა ამბები არ მოხდება თურმე ამ ცოდვილ ქვეყანაზე! აბა ეინ მოიფიქრებდა, რომ ამ ჩვენ თვითის ქალაქს ამდენი

პატრონი და ბატონი დაეხვევოდა. ათასი წლის განმავლობაში მას მთელი მილეთის ხალხი თოფ-იარაღით ესეოდა და მაინც ვერ ჩაიგდო ხელში, და ახლა კი ვილაცების, რომელთაც არც ხმალი უჭირთ და არც ქარქაში, ყურმოჭრილ მონათ გამხდარა. ბედი კარზე მოგიგორდაო რომ იტყვიან ეს არის. ამ კაცებს ბედი ჰქონებიათ ღ რას ერჩი. მარა იწყინა ღმერთმა ეს და მათდა დასასჯელათ მეორე ბედის მაძიებელი მოაგვლინა: უკაცრავათ, მართო თქვენ ვერ შეგარჩნთ ღეთის ულუფას, ცოტა მეც მერგებო. დაჯდენ და, მოგეცათ სიცოცხლე, მრავალ ქამიერ შემოსძახეს, მათი სიცილ ხარხარი ცასაც კი წვდებოდა. მარა აქ ამათ აუსრულდა აზნაურების ანდაზა: „ყაზახს რომ ჯორკოზე შემოიჯენ სულ ერთიანათ გადაგაკდებსო“. მასპინძლებმა ეს სტუმარი სკამზე შემოსიგეს, ამან მერე იჩოჩა, იჩოჩა ღ ერთ შეენიერ დღეს სკამიდან ყველა გადმოყარა და ზედ თვითონ გამაგრდა. და ასე დღეს ბატონი ქალაქის მამები ქუჩა-ქუჩა ყრიან საჯაყ სანახავათ, ხოლო დიდი ბატონი რომი კი ისევე თავისუფლათ, წინანდებურათ დაწავარდობს! აფერუმ! აკი მოგახსენეთ წინეთ ეს უთუოთ ბაყ-ბაყ მდგეი უნდა იყოსო. არის და მეტია, არა?! ერთმა მის ხმამ მთლათ შეანძრია თვითისი და მას დემორჩილა ყოველი... ნეტავ ის სულ ცხონებულნი ყარამანი მაინც გყავდეს!

* * *

ერთი სულ სხვანაირი ბაყ-ბაყ მდგეი ქუთათურებს გამოჩენიათ. თვითისში თუ ფული ბატონობს, ქუთათისში სამაგიეროთ ენა დაკოტრილობს. აქ ფულით ენა იყიდება, იქ ენით ფული იშოვება. და აი, ერთ „მაშოვართაგანს“ შეუტრ-შემოუტრიალებია თავისი ენა და პირდაპირ გამოუცხადებია: რადგანაც მე დღეს ჩემ მტყუან კლიენტისაგან წითელ ქალადებს მოველი, ამისთვის მოსწავლე ახალგაზღობა სახლში შესაშვები არ არისო. რატომ, რისთვის? მიაყვირეს ამ ნასწაველ მოენიძეს. რატომ და როგორ გაბედეს და ჩემ მემუშტიკრივეს (ყიფიანს) ქება-დიდების მოწმობა არ მისცესო. და მართლაც, რატომ ქუთათისის სტუდენტობამ მუხლი არ მოიდრიკა ქუჩაში მოკრივე პედაგოგის წინაშე? უთუოთ ვერ მიხვდა, რომ ამით მის ექილს „გამარჯვლო“ მიემატებოდა, თვარა ასეთ უბრალოზე როგორ გააწბილებდა. ისევე ღმერთმა უშველოს „სტოროვებს“, ამათ ცოდნით საწყალი კაცის განკითხვა და...

* * *

და მართლის მთქმელს ყბაში ჰკრესო — ნათქვამია. თუ კი ქუთათურ სტუდენტებს იქ მოახვედრეს

სილა, სადაც პასუხს ვერ გაცემდენ, სამაგიეროთ ოჩამჩირის ერთმა ვაჭარმა დიანაც რომ პასუხი მოთხოვა მის შეურაცხყოფელს. ადგილობრივ პრისტავმა (უთუოთ ყიფიანის ნათესავი იქნება) გვარიან-გვარიანი სილა უთავაზე უღანაშაულო დავთიას და კიდევ ზედ მეტათ სატუსალოშიაც გაისტუმრა. რატომ, რისთვის? აი როგორ ხსნის ამას ეს დევგმირი სასამართლოს წინაშე: „დავითაია ქადაგობდა ოჩამჩირის სკოლის წინააღმდეგ. უნდოდა მისი ზედამხედველი ხორავა (უთუოთ იქაური ამორღია იქნება) იქიდან გამოედევნა და ქართულის სწავლება შეეტანა, რის შესახებ სხვებთან ერთათ გუბერნატორს თხოვნაც კი მისცა. ამას გარდა მეცადინეობდა ქართულ ენაზე ადგილობრივ ეკლესიაში წირვა ლოცვა ყოფილიყო. ერთი სიტყვით კეთილი საიმედო პირი არ იყოვო... აი ოჩამჩირის წესები! ქართველს თურმე ქართულათ აღარც ლოცვა შეუძლია და აღარც წერა-კითხვა! და თუ ვაბედ და ხმა ამოიღე, შენი მტრისას, ერთ შეგნიერ ღღეს ქუჩაში მიგბეჯვენ და მერე სოხუმის საპრობილეშიაც ამოგაყოფიებენ თავს. მარა თურმე ნუ იტყვიოთ, ესეც მოჭორილი ყოფილა ბატონ პრისტავის მიერ, რის ქართული, რის აგიტაცია. დავითაიამ თურმე თავი არ დაუჭრა და ამისთვის აუტეხა აქდენი დავიდარაბა. მაღლობა ღმერთს, ამ ბოგდი-ხანსაც მიეზომა ის, რაც დაიმსახურა — სამი თვე-ნახევარი ციხე...“

* *

მარა ოჩამჩირეს თურმე თითო ასეთი ბოგდი-ხანი არასოდეს არ გამოეღვევა. ერთ ახირებულ ამბავს იწერება „ივერიაში“ იქაური კორესპონდენტი: აქ ყრილობასავით მოახდინეს და მოილაპარაკეს წიგნთ-საცავის დაარსებაზე. „აბრძანდა ჩვენი დაბის სახელი და დიდება და კეთილ-ინება ბრძანება გაცვა: მე ნებას ქრთავთ გამოიწეროთ ყველა ენაზე ქურნალ-გაზეთები და სხ... ერთმა ქართველმა ჰკითხა: ქართული გაზეთები ან ქურნალები რამდენი გამოვიწეროთო? სსუ! ხმა გაკმინდე! აქედან-იქიდან შემოესმა საწყალს, ბატონი არ გააჯავროვო. მაგრამ დახეთ ბედს, ბატონი კი არ გაჯავრებულა, არამედ გულ-ლმობიერათ ბრძანა, ერთს გაზეთს გამოვიწეროთ, მხოლოთ ამაში რაც მე გიჩვენოთ ის წაიკითხეთო“ ასე და ამას პირსა ზედა. რაც მე გიჩვენოთ ის არის ნება დართულიო! საბრალო ოჩამჩირელები! ესენი უთუოთ უწლოვანო არიან, თვრა ამდენ, აბეკუნობას ვინ გაუბედავდა. ასეა ამ წუთი სოფელში, „დიდკაცთან პატარა კაცსა როდის გასელია მართალი“!

* *

და ან შეიძლება ეს მართალი ბათობებს გა-


უვიდესთ? აქაურ ქართველებმა არჩევნები წაავს მათი მაგიეროთ ახლა კასაცა გადაუტანათ, წაეგეთ, მარა წაეგეთ უკანონოთო. ამბობენ ისეთი საჩივარი რომ ქვას განეთქს, თვრა ბათობის, უამისოთაც დახეთქილ საარჩევნო ყუთებს, ხომ ერთიანთ დაამსხვრევსო. მაშ იმედი უნდა ექონიოთ, რომ ბათობებს კიდევ ექნებათ ერთი „დიდი ღღე“, კიდევ დაიწყებენ კენჭების სროლას დატეხილ ყუთებში და ბოლოს კიდევ ისე აირ-დაირევა მართალი და უმართლო ერთმანერთში როგორც ახლა... მარა რა? თუნდაც ყოველ ღღე ახალ-ახალი კენჭს ყრა დანიშნონ, მინაც არა გამოევა რა, სანამ, რასაკვირველია, „დავგოზი ეოლსკის არის და ელიივას წამლობა“...

* *

ან ნეტავ ვისი დიაგნოზით დაარიგეს ერთხელ ქუთაისში შეკრებილი ფული? შეიძლება არც კი იცოდეთ რა ფული? აი რა: ქუთაისში შედგა კომიტეტი წყალ დიდობისაგან დაზარალებულთა სასარგებლოთ ფულის მოსაგროვებლოთ. სამი წელიწადი აგროვეს და რამდენსამე ათას მანეთს მოუყარეს თავი. და ბოლოს გამოცხადდა „დარიგდათ“. სად, როგორ, ვის მიერ — ეს აღლახმა უწყის. რასაკვირველია, დარიგება უფრო ადვილია, ვინემ შეკრება, მარა ამ ადვილ საქმის გარემოებაც რომ ისე გეცოდნოდა, როგორც ძნელის ცუდი არ იქნებოდა. შეკრების დროს ცას და ქვეყანას შესძვრენ, დარიგების დროს კა ვერაინ ვერ გაიგებს. ალბათ ასე ყოფილა წესა და რიგი...

* *

წესი და რიგი კაი ხანია იყო ძველ-სენაკის „მეაბრეშუმეთა ამხანაგობას“ კრება მოეხდინა და თავის თავის ავი და კარგი ვაგეო. მარა კრების მოწვევა გამკის საქმე ყოფილა და გამგეც ისეთი ყოფილა, რომ პა, პა, პა... უკეთესი ღმერთმა შეინახოს. მისი სახელია... რა საჭიროა დასახელება, ძველ-სენაკში ვინ იქნება რისამე გამგე თუ არა სახელოვანი გამგე, და, როგორც ჩანს, ყველაფერს ერთნაირათ განაგებს, პარკს, სკოლას, ფულს და სხ. აი, რას იწერებიან იქიდან: „ძველ-სენაკში არსებობს მეაბრეშუმეთა ამხანაგობა, რომლის გამგე ბ. უ-ა. ამხანაგობის საქმეები როგორც სხვა ყველაფერი ძალა ან აწეწილ-დაწეწილი აქვს, რამდენჯერ თხოვეს და კრებას არ ნიშნავს“... მერე რა არის აქ გასაკვირველი? გასაკვირველი, პირ იქით, ის იქნებოდა, რომ კრება დაენიშნა და საქმეებიც წეს-რიგში ჰქონებოდა.






დ რ ე ი ფ უ ს ი.

ს ა შ ლ ვ ა რ - გ ა რ ე თ

ონგლისი. სექტემბრის თვეში ინგლისში 364,900 მუშა-ხალხმა იბრძოლა ქირის მომატებისათვის. ამათში 364,700 მოემატა, თითოს 28 კაპ. (7 ჰენსი) კვირაში, ხოლო 200 მუშას მოეკლო. ქირის მომატებას მხოლოდ 900 მიაღწია მუშაობის შეუჩერებლათ. დანარჩენებმა კი გაუფიცვეთ აიძულეს პატრონები რომ დათანხმებულყოფენ. ამ მოძრაობაში ყველაზე მეტი მონაწილეობა მიიღეს მთა-მადნის მუშებმა, (რიცხვით 346,917.), შემდეგ რკინეულობის და მანქანების მუშებმა. ამავე თვეში ბრისტოლის შენობების 4370 მუშამ გაუფიცავათ შეიშოკლა სამუშაო დღე. ამ ქვა-მათ კვირეში 51 საათს მუშაობენ, დღის ქირა კი წინანდელი დარჩა.

საშრანგეთი. აგერ ერთი წელია მას შემდეგ, რაც მინისტრ-პრეზიდენტმა მელნიმა პარლამენტში განაცხადა: დრეიფუსის საქმე არ არსებობსო! შემდეგ ყველა მინისტრი და ყველა ლენერალი საჯაროთ ფიცადენ, დრეიფუსი კანონიერათ და სამართლიანათ დაისაჯაო. სამხედრო მინისტრმა გენერალ ბილიომ თავისი პატიოსნებაც კი იმის თავებდათ წამოაყენა, რომ დრეიფუსი დანაშაულიაო. ერთი სიტყვით, ყველა, ვისაც კი ძალა, უფლება და სახელი ჰქონდა, დრეიფუსის დანაშაულობას ამტკიცებდენ. და დღეს? დღეს უმაღლესმა სამსჯავრომ გამოაცხადა, რომ ყველა ესენი ტყუიან, მართალს ამბობს მხოლოთ ის მცირე ჯგუფი თავდადებულთა, რომელიც დრეიფუსის სიმართლეს ღალადებსო. როგორც სამსჯავროს რომხსენებელი, ისე სახემწიფოს პროკურორა დრეიფუსის დამცველათ გამოვიდენ. გამართლდა ზოლას



პ ი კ ა რ ი.

წინასწარმეტყველება: La verité est en marche et rien ne l'arrêtera—ქეშმარიტება მოდის და მას ვერაფერი ვერ შეაყენებს!

— საურანგეთმა ეს ერთი საშინაო მწვავე კითხვა თითქმის გადაჭრა, მარა მას მეორე კითხვა მოველინა და მიიპყრო მისი ყურადღება. ის და ინგლისი კინაღამ ერთ პატარა კუთხისთვის ერთმანერთს დაეტაკენ. ამ სადაო კუთხეს ეწოდება ფაშო-და და მდებარეობს აღმოსავლეთ აფრიკის ახლოს, ერთ პაწია კუნძულზე. ფაშოდის პროვინცია შედგება 250 ათას მცხოვრებთაგან, რომელნიც მიწის შემუშავებას, საქონლის მოშენებას, ნადირობას და მეთევზეობას მიღევენ. ის დაიპყრო ეგვიპტის მთავრობამ 1864 წ. და მის სამფლობელოში ითვლებოდა. და რადგანაც ეგვიპტეს ინგლისი მფარელობს, ფაშოდიც ინგლისის საფარველს ქვეშ იყო. მარა ფაშოდის და სხვა პროვინციის მცხოვრებლები კაი ხანია წინ აღუდგენ ეგვიპტის უფროსობას და დამოუკიდებლობა მოიპოვეს. ინგლისის და ეგვიპტის ჯარები ამათ ებრძოდენ მათ 15 წლის განმავლობაში. 1886 წ. ხორტუმელებმა დაამარცხეს ინგლისის ჯარი და მოჰკლეს ინგლისელთა სარდალი. მას შემდეგ ინგლისი სულ ემზადებოდა იმათ დასასჯელათ. და წელს, როგორც იყო, ინგლის-ეგვიპტის შეერთებული ჯარი სერ კინენის მეთაურობით შევიდა ხარტუმის პროვინციაში და აიღო ქალაქი ხარტუმი. აქედან 10 სექტემბერს გაემგზავრა ფაშოდში და მისდა გასაკვიროთ, ნახა, რომ



C.C.

უ ნ ა ნ ლ ე ა ს ი.

ფაშოდა დაუჭირია საფრანგეთის მიორს მარშანი და საფრანგეთის ბაირალიც აუფრიალებია. მარშანს კი ხანია დაკარგულათ ითვლებოდა. ის გაემგზავრა ამ რამდენისამე წლის წინეთ აფრიკაში და ეს 18 თვეა აღარავითარი ამბავი არ მოდიოდა მისგან. ის და ოთხი საფრანგეთის აფიცარი ევლურ ხალხებში მოემწყვდენ და იქიდან თავი ევლარ დააღწიეს. მარა ისინი მათ ძალიან შეეწყვენ, შეადგინეს იმათგან ერთი პატარა ჯარი და ფაშოდაში დაბანაკდენ. მარშანს, რასაკვირველია, გაეხარა ინგლისელთა მოსვლა, ამდენი ხანია თეთრი კაცი არ ენახა. კიხინერმა მას აცნობა, რომ ფაშოდას ინგლისი ხელახლა იპყრობს და თქვენ თქვენი ჯარით კუნძული დატოვეთო. მარშანმა უარი შეუთვალა, ჯარს არ გაეიყვან, არც საფრანგეთის ბაირალს ჩამოვიღებ, ხოლო თუ თქვენც შემოხვალთ ძალადობას არ გაგიწევთო. ეს ამბავი მოვიდა ევროპაში და შეიქმნა ერთი დავა საფრანგეთსა და ინგლისის მთაფრობას შორის. ინგლისი თხოვეს საფრანგეთს, მარშანს უბრძანე უკან წამოსვლაო, საფრანგეთი აქამდის ამბობდა, რომ ეს ჩვენი საქმე არ არის, მარშანი თავისით მოქმედებდა. ახლა, როგორც ტელეგრამმა იუწყება, სამინისტროს გადაუწყვეტია გამოვიწვიოთ მარშანიო. ამით აცილებულ იქმნა ეს არა-სანატრელი შეტაკება.

ბერლინი. ბერლინსაც ჰყოლია ერთი ახირებულნი საბჭო. მას უნდა გადაწყვიტა, ბერლინის საელექტრონო დაწესებულება, რაც დღეს კერძო კომპანიის ხელშია და ამ გაის ვადა უთავდება, ქალაქმა მიიღოს საწარმოებლათ თუ ისევ კომპანიას დარჩესო. კომპანია ქალაქს აძლევს წელიწადში 800 ათას მარკას. ხოლო თვითონ წმინდა მოგება რჩება ორი მილიონი მარკა. და აი, ეს ფულიც რომ ქალაქს რჩებოდეს, მოქალაქეთ, გადასახადები შეუძლებოდა. ამ წინადადებას უყარეს კენჭი და ხუთი ხმის უმეტესობით გადაწყვიტეს: დარჩეს ეს ისევ კომპანიის ხელშივე 1915 წლამდის და მასთან ახალი ხელშეკრულობით შევიდეთო. ასეთმა გადაწყვეტილებამ დიდი უკმაყოფილება გამოიწვია მოწინავე პარტიებში და ორგანოებში. აი, რა თქვა ამის შესახებ საბჭოში ხმოსანმა ზინგერმა (სოციალ-დემოკრატია): „დღეს ბერლინის სხვა-და-სხვა საწარმოო კომპანიები და საფინანსო დაწესებულებები მჭიდროთ დაკავშირებულია ერთმანერთთან. ისინი ერთი მეორის საქმეებში მონაწილეობას იღებენ. ამით მათი მთელი შეძლება, მთელი კაპიტალი ერთდება ქალაქ ბერლინის საზიანოთ. ეს კიდევ ცოტაა, ისინი თავის კაპიტალისტიურ ხელს აფათურებენ თვით ქალაქის გამგეობაშიაც, რომლის წევრთ თავიანთი ხელ-ამხედველი კომიტეტის წევრთაც იწვევენ და ჩვე-

ნი არჩეული პირებიც კანონიერათ თვლიან იყონ და იქაც, რომლებთან ჩვენ ხელ-შეკრულობა უნდა შევკრათ! (ხმები: უყურეთ, უყურეთ! აღელვება). აი, ეს კაპიტალისტიური ბაღე უნდა დაიღვწოს. და რომ ამის დაღწევა აქ 1915 წლამდის გადადევს—ეს საუკეთესოთ მოწმობს იმ კლასიურ მართელობას, რომელსაც აქ კაპიტალიზმის სასარგებლოთ ამუშავებენ“...

— ამ ახლო ხანში მოხდება პრუსიის ქალაქთა წარმომადგენლების კონგრესი. პირველი ასეთი კონგრესი გაიმართა 1896 წ. ბერლინის მოწოდებით. წარმომადგენელს გზავნის ყველა ის ქალაქი, რომლის მცხოვრები 25 ათას გადაემეტება. 69 ასეთ ქალაქში, 64 წარმოდგენილი იყო კონგრესზე. კონგრესის საგანია ქალაქთა და მოქალაქეთა ინტერესის დაცვა საჭმელ-სასმლის გაიაფებით, სასწავლებლების გამრავლებით და გაუკეთესებით და სხ. იმათ გაილაშქრეს მაგ. აგრარიერების წინააღმდეგ, რომელთა მიზანია პურის და ხორცის ძვირათ გაყიდვა სხვა-და-სხვა ბაჭების საშუალებით. კონგრესმა მთაფრობას თხოვნა მიართვა და ურჩევდა ბაჭების შემცირებას, უცხო პურის და ხორცის თავისუფლათ შემოტანას და სხ. ერთი სიტყვით ქალაქთა კონგრესი სოფლის მემამულეთა წინააღმდეგ არის მიმართული და ეს ძალიან საჭიროა პრუსიაში, სადაც ასე ბატონობენ მემამულენი.

— მარა ამ მემამულეთ თანდათან აკლდებათ ძალა და გავლენა. ამ ქამათ პრუსიაში ლანტაგის არჩევნები ხდება. როგორც ჩანს მემამულეთა პარტიას ათი ადგილი დაუკარგავს და შეუძენიათ ლიბერალებს. მათ წინააღმდეგ პროკლამაცია გამოსცეს იმათმა მომხრემ, პროფესორ დელბრიუკმა და რამდენიმე მაღალი წრის სამხედრო პირებმა. ესენი წერენ, რომ დღევანდელ კონსერვატიულ პარტიამ კი ხანია დაკარგა ძველი კონსერვატორთა პროგრამა და მხოლოთ პირადი სარგებლობის მაძიებელ პარტიათ გადაიქცა. ამიტომ გააშავეთ მისი კანდიდატებიო.

იტალია. ცნობილი პროფესორის ლომბროზოს ქალიშვილს, პოლას, სამი თვე ნახევრის ციხე გადაუწყვიტეს იმ წერილისათვის, რომელიც მან სოციალისტთა ორგანოში გამოაქვეყნა. წერილი დაწერილია ძლიერ მკაცრათ და იწვევს ხალხს თანამედროვე წყობილების დასარღვევით.

ბაზარი. სიმინდი ღირს 70³/₄ კაპ. ფუთი, პარკის ფასები იგივეა.

ახალი ტიპი ჩვენს ცხოვრებაში.

(შემდეგი *)

(„ფიქალი დაჯაქი“ ლალონისა, მოამბე 1895 წ. IV—V)

დი რა ხელოვნებით გადმოგვცემს ავტორი ერთ ფსიხოლოგიურ მომენტს.

სადილის დროს ერთი სტუმართაგანი დაეკითხა ნიკოს:

— ერთი მოყვარე კაცი მყავს ბათომში, თუ იცნობ, იელიანე გ—ძე, ნეტაი რას შობა?

— რა უჭირს, ქია კარგათ,—მიუგო ნიკომ.

— მაგინი რეიზა არ იქნებიან კარგათ, თუ ღმერთი გწამს! ფული მაგენს არ აკლია, თეთრი და საქონელი, რა ენატრებიან ღვთის გაჩენილი! დაიწყო სამსონმა.

— ეხლანდელ დროში ფული ვისაც აქვს, კაცი იგია, დაემოწმა მასპინძელს მეორე სტუმარი

— ოჲო ცარიელი ფულიც აფერი არაა, თუ კაცი თვითონ არ ვარგა და პაწაი განათლება არ ახლავს! შენიშნა მესამემ.

— „ნუჟეელი შენ უფულოთ გააკეთებ რასმე, კაი განათლებულიც რომ იყო?—თავმომწონეთ დაიწყო ნიკომ:— შეძლება თუ გაქ, განათლებულიც მაშინ ხარ; რაეა, რას უძახი შენ განათლებას? იგი კაცი კას სვამს, კას სჭამს, კარგათ აცვია და ახურავს, მტერს რიგიანათ დაუხედება და მოყვარეს, ერთი სიტყვით, განათლებული ცხოვრება აქ, ფული რომ არ ქონდეს ამას ხომ ვერც ერთს ვერ იზამს? ბევრი ვიცი მე იმისთანა კაცი, რომ განათლებულათ მოაქვს თავი და მჭადი ქე ენატრება.

— აბა, მე გეტყვი შენ,—დაიწყო ივანემ ათროლებული ხმით:— კაცი თუ ჩამომავლობით ჯალაბია, იმას ვერც ფული მოარჯულებს და ვერც ვერაფერი. კისრამდი ოქროში რომ ჩასვა იმისთანა კაცი მაინც თავის ზნეს არ შეიშლის!

— კი მარა ამ ცალიერმა, გაფხეკილმა აზნაურ-შვილობამ რა მოუტანა ვინმეს? ვინ უყურებს ახლა ჩამომავლობას? რამდენია იმისთანა აზნაური, რომ მჭადს არ წაუტეხს კაცი, ორი კაპეიკიზა ცოლ-შვილს დააწინდრებს. კაი ხანია წავიდა უწინდელი დროი! ახლა კაცი იგია, ვინც თვითონ ვარგა, ვისაც რამე გააჩნია; მარტუაი აზნაურიშვილობა სულ არაფერი არაა, იგი ტყვილათ არ თქვას ვინმემ!—ცხარობდა ნიკო.

ხედავთ, როგორი ანტაგონიზმია ამ ორ ქართველთა შორის. ერთი წუხს ძველი დროის დაკარ-

გვას, ცდილობს წარსული დაიბრუნოს, ეჯავთობა ყველაფერი, რაც მის დიდებას უარჰყოფს, ბრახ-მორეული ამტკიცებს: „კაცი თუ ჩამომავლობით ჯალაბია იმას ვერც ფული მოარჯულებს და ვერც ვერაფერი“, არ უნდა გამოტყდეს ხმა-მალა, რომ ჩამომავლობა სულ არაფერია, თუმცა „ყოველთვის და ყველგან გაბედული და შეუპოვარი სულ უღონობას, დამცირებასაც კი გრძნობდა“, როდესაც ს. ტარაძისას ნიკოს მოელოდა: „ვინ იცის როგორ შეხედავს დღეს ნინო ნიკოს; იგი ხომ მდიდარი კაცი და ეცდება კიდევაც მოაწონოს თავი ყველასო“, „სახქაროთ ფული უნდა ვიშოვნო და მაშინ ყველაფერს ვიზამო“, გაუელვა მას თავში უეცრათ. მეორე კი დაცინვით იხსენიებს წარსულს, წინლს ჰკრავს იმას, რაც პირველისთვის წმიდათა წმიდაა, სიამოვნებით აღნიშნავს ახალი დროის უპირატესობას და თავმომწონეთ ლაღადებს: ამ ცარიელმა, გაფხეკილმა აზნაურ-შვილობამ რა მოუტანა ვინმეს? ვინ უყურებს ჩამომავლობას? რამდენია იმისთანა აზნაური, რომ მჭადს არ წაუტეხს კაცი, ორი კაპეიკიზა ცოლ-შვილს დააწინდრებს. კაი ხანია წავიდა უწინდელი დრო! ახლა კაცი იგია, ვისაც რამე გააჩნია“. ივანესი და ნიკოს მორიგება შეუძლებელია, რადგან თვით ცხოვრებას გადაუმტერებია ერთი მეორესათვის. ერთია ძველი, ფეოდალური დროის წარმომადგენელი, მეორე—ახალი ფულის მეურნეობის ხანის შვილი; ერთია—რაინდი, მეორე—წვრილფეხა ბურჟუა, რომელიც გასხვალ-ფეხებას, გადიდებას აპირებს. ამ ორ ტიპთა შორის მოურიგებელი ბრძოლაა გამართული. ივანე გრძნობს კიდევ თავის უძლურებას, სხვა ღონის ძიებას, ბოთლზე უფრო ბასრ იარაღს ეძებს, და ეს იარაღი, მისი აზრითაც, „ფულია!“ მაგრამ, რაფერ შვიძინოს ეს იარაღი? მამას მიმართავს და ეუბნება: ნასახლევეზე რომ მიწა იგი უნდა გავყიდოთ. ახლა რომ ერთი ოც-და-ხუთი თუმანი არ ვიშოვნო არ იქნება, იმისთანა საქმე მაქვს.

— რა საქმეა ახლა იმისთანაი, ოჲო? აი, ადგილი ამასობაში ქე ჩაგვლია ხელში! საქმელი ჭადი აღარ გვექნება, თვარა სხვას ვინ ჩივა!—სასოწარკვეთილებით შენიშნა გიორგიმ.

— მჭადი, თვარა გააკეთებს იგი მჭადი მე ვიცი! მეტი რად გინდა ქვეყანაზე! ღოგმა კი ჩააკტა ამისთანა სიტყვებს! ერთი თუმანი რომ გინდოდეს, იმას ვეკ იშოვნა, ქვეყანა რომ დეიქეს! წამოიძახა გაჯაერებულმა ივანემ.

ეს სიტყვები ივანეს დიდი ხნის მოგუბებული გრძნობაა. „მეტი რაღა გინდა ქვეყანაზედო“,—ეუბნება იგი მშობელს: „ერთი თუმანი რომ გინდოდეს იმას ვერ იშოვნო“: თითონვე გამოთქვამს თავის არა

რაობას დღევანდელ ცხოვრებაში: ღორმა კი ჩააკტა ამისთანა სიცოცხლეს. ხედავს, რომ უიარაღობის გამო დამარცხება მოელის, თავის სატრფოს — ნინოს, რომელიც მისთვის მთელი სიცოცხლეა, თავი უნდა დაანებოს, თუ ფული ვერ იშოვნა. გაიგო საიდან აქვს ცხოვრების საღაროს შესავალი კარები, მაგრამ გასაღები კი არა ჩანს, ეძებს და ვერ პოულობს; ახალი იარაღის შესაძენათ ძველ იარაღს მიმართავს; ძალადობას. მკლავ-ღონიერობას ხმარობს, ავაზაკობას ჩადის და 80 თუმანს შოულობს. მე არ ვიცი სხვაფრივ, როგორ მოქცეულიყო ივანე? შრომას, ვაჭრობას შეუჩვეველი იგი კანონიერის ხერხით ვერას განდებოდა; ეს რომ მოეხერხებია, მაშინ ივანე დაელოდე, როგორც წოდებრივი უძღურების წარმომადგენელი, აღარ იქნებოდა. ვაჭრობით იგი ვაჭარი განდებოდა, მეორე წერილ ფეხა ბურჯუა ამოუდგებოდა ნიკოს გვერდით. მაშასადამე ივანემ ერთათ ერთ საშუალებას მიმართა ფულის შოვნისათვის. დანაშაულს სასჯელი მოჰყვა, სასჯელს ფირალობა და ჩვენი გმირი სამუდამოთ მოწყდა ცხოვრებას. ივანეს ბრძოლა სუსტი, უნაყოფო, მხოლოდ უკანასკნელი გაბრძოლება მომაკვდავისა. სულ სხვანაირათ იბრძვის და მოქმედებს ნიკო კალაძე; დღევანდელი წეს-წყობილების შესაფერ იარაღს ხმარობს ცხოვრებაში. უეჭველია, ის იმარჯვებს და აეტორმა თუ ნიკო ფირალის მსხვერპლი გახდა, ეს ფაქტია, საზოგადო ცხოვრების შინაარსს დაშორებული. ჩვენის აზრით, ლალიონს, რომ ამ ორ ტიპთა შორის ბრძოლა, რომლითაც თითქმის იწყება მისი მოთხრობა, ბოლომდის ლოლიკურათ გაეტარებინა, არ აპყროლოდა ფანტასტიურ გულის თქმას, არამედ ცხოვრებას ბოლოშიაც დაჰკითხებოდა, იგი ნიკოს არ მოაკვლევინებდა ივანეს. გამარჯვებას ბოლომდე ამ ახალ ტიპს შეარჩენდა. თუმცა აქ გამარჯვება მხოლოდ ფიზიკურია, მაგრამ მოთხრობა, რომელიც ამ ორ ტიპთა ბრძოლის დამახასიათებელია, იმით უნდა ბოლოვდებოდეს, რითაც თვით ცხოვრებაში ბოლოვდება. თუმცა ამნაირი შემთხვევა შესაძლებელია, ხშირათაც ხდებოდეს, მხოლოდ იგი მაინც არ არის დღევანდელი ჩვენი საზოგადოების კლასიური ბრძოლის დასკვნა; იგი ჩვენი საზოგადოებრივი ცხოვრების ნამდვილ სურათს არ წარმოადგენს.

მართლაც ვინ უნდა იყოს ეს ყოვლად ძლიერი ნიკო, რომელსაც ივანეს ბასრი ხანჯალიც კი ვერ უნდა ჰკლავდეს? ახსნათ ეს საკვირველება.

უწინდელი ნატურალური მეურნეობა ფულის მეურნეობამ შეცვალა: საქირო საგნის შესაძენათ, არსებითი მოთხოვნილების დასაკმაყოფილებლათ „ფულია“ საქირო. წინეთ, როდესაც მოთხოვნილება,

კარჩაკეტილი ცხოვრების გამო, მეტათ მცირე-გაბიჯი საზღვრული იყო, ყველა ოჯახშივე ნაწარმოებით იკმაყოფილებდა თავის საჭიროებას. არაფრისთვის გადაღმა გადასვლა არ ჰქონებოდათ. დღეს რა კი ძველი, პატრიარქალური წეს-წყობილება გართულდა, ყველაფერს თვითონ ვეღარ იშვადებენ, გადაღმა გადასვლა აუცილებელია, ბაზარი საყოველთაო მოთხოვნილების დამაკმაყოფილებელი გახდა. ამ ხანაში ფულიც საქირო ხდება, როგორც საყოველთაო საზომი საქონელი. „ლითონი“ ყველასათვის გამოსადეგი ნივთია, რადგან მით ყველაფრის შეძენა შეიძლება. ფული აუცილებელი ხდება იმ მეურნეობაში, სადაც საქონლას წარმოება დაიწყეს. იგი ყველასთვის კერპია, ყველა მისკენ მიისწრაფის, ყველა მის მოპოვებას ცდილობს, რომ ცხოვრება გაუჭირვებლათ გაატაროს. ამ სურვილს საზღვარი არა აქვს, იგი დღითი დღე მატულობს, მის დასაკმაყოფილებლათ ყოველნაირ საშუალებას იგონებენ. ზოგი ძალით ცდილობს ამას, ზოგი შრომით და ზოგი ხერხით, მოტყუებით. პირველს ეკუთვნის ივანე დაელოდე, მეორეს მწარმოებელი მუშა და მესამეს ნიკო კალაძე. უკანასკნელი ორი თანამედროვე ეკონომიური ცხოვრების დიდი შეილება, მხოლოდ პირველი „ნაშთი ძველის დიდების“, საზოგადო ცხოვრების ნადიმზე შეუფერებელი, უცხო სტუმარია; ცხოვრებას მისთვის გაუსწრია ბევრათ წინ, ის ჯერ კიდევ ძველ საზღვარს ვერ გადმოცილებია და უნებურათ უნდა დაივიწყოს წარსული ბატონობა. დინჯი სიარული სირბილათ უნდა შეცვალოს, თუ უნდა დღევანდელი ცხოვრების საზოგადო ფერხულში ჩაერიოს. წინააღმდეგ შემთხვევაში მისი დღეები დათელილია, მისი არსებობა მეტათ ხან მოკლეა და „ჩვენი ქვეყნის რაინდი“ „სადაც შობილა, გახდილა იმ მხარეს სამუდამოთ უნდა გამოესალმოს.

ა. წულუკიძე.

(შემდეგი იქნება)

ა. ს. ხახანაშვილის ახალი წიგნი

საქართველოს სიტყვიერების ისტორია, მეორე წიგნი: ძველი საქართველოს ლიტერატურა მეთორმეტე საუკუნის გასკაზმე.

Очерки по истории грузинской словесности, выпуск II. древняя литература XII в. Москва 1897 г.

ეს მეორე წიგნია რუსულ ენაზე ბ-ნი ა. ს. ხახანაშვილის მიერ შედგენილი, რომელიც დიდ სახელს უკეთებს საქართველოს ერს ევროპის განათლებულ

ქვეყნებში. აქამდის ევროპა სრულიად არ იცნობდა საქართველოს ერს. ბროსესს შემდეგ თუმცა თითო-ორიოლა მეცნიერს ჰქონდა გადაკითხული ფრანგულათ ნათარგმნი ქართული მატთანე, მაგრამ თვით ეს მატთანე რალაც ზღაპარ-სიტყვაობათ მიაჩნდათ და იმ ხალხის არსებობაც მათთვის სათუთო იყო, რომლის წარსული ისტორია ამ მატთანეში იკონებოდა. ამ აზრის დასამტკიცებლათ საკმაო იქნება ერთი მაგალითიც, 1894 წელს ქენევაში იყო ორიენტალისტთა კრება და იქ საერო წიგნთსაცავში მეცნიერებმა ნახეს საკვირველი ხელთნაწერი, რომელსაც ისინი განცვიფრებაში მოჰყავდა. ეს იყო ქართული დავითნი. როგორც კი ამოკითხეს მისი ლათინური ზედწარწერა „გეორგიანუს“ (georgianus), მაშინვე თურმე დაასკენეს, რომ ეს ამერიკის შტატის გეორგიის ერის ნაწარმოებია უნდა იყოს. და ის კი ვერ წარმოედგინათ, საქართველოს ერი თუ სადმე იყო ქვეყანაზე, თუმცა კი თვალწინ იმის ენაზე დაწერილი დავითნი ედვათ.

ეს თუ ამ ხუთი და ათი წლის წინათ იყო შესაძლებელი ევროპაში, მაგიერათ დღეს შეუძლებელი და წარმოუდგენელია. მას შემდეგ რაც ა. ს. ხანანაშვილმა გამოსცა პირველი და მეორე ნაწილი ქართული სიტყვიერების ისტორიისა და გაცნო რუსის მეცნიერულ საზოგადოებას უძველესი დროიდანვე მოკიდებული უმრეტი წყარო საქართველოს ერის გონების ნაწარმოებთა, მას შემდეგ რაც ეს წიგნები ევროპის მეცნიერებმა წაიკითხეს, თვით ევროპაშივე მიაკციეს დიდი ყურადღება საქართველოს ძველს მწიგნობრობას. მას შემდეგ გამოჩნდნენ ახალგაზდა მეცნიერები, რომელნიც შეუდგნენ ქართული ენის მეცნიერულათ შესწავლას და მისი ძველი კულტურული ნაშთების გაცნობას. ამ შემთხვევაში გაბედვით შემიძლია ვთქვა, რომ არც ერთს ქართველ მეცნიერს და მოღვაწეს იმდენი დამსახურება არ მიუძღვის თავის ერის წინიშე, როგორც ალ. ს. ხანანაშვილს. ამ ახალგაზდა ქართველმა მეცნიერმა მთელი თავისი ნიჭი, ღონე და ძალა მოაწოდო სამშობლოს გონების საუნჯის შესწავლას იმ განზრახვით, რომ შემდეგ უცხო ენაზე გამოქვეყნებინა მთელი ორი ათასი წლის კულტურული მოძრაობა საქართველოს ერისა და მისი დამსახურება კაცობრობის წინაშე. იმას ამითი მსურდა ევროპის ძლიერ ერთა-შორის აღედრა თანაგრძნობა და სიყვარული. ეგენი პატარა ერისადმი, რომელიც აქამდის დავიწყების ჩრდილ ქვეშ იყო მიმალული და უცხო ტომთა გამველ-გამომეღელი მეცნიერი მხოლოდ წინაღედ მას, ველურ ხალხს ეძახოდა და გონებითი სიცოცხლის უღირსათ მიაჩნდა. მაგრამ დღეს სულ სხვაა.

ევროპის მეცნიერებმა შეიტყვეს, რომ საქართველოს ერი მართლაც ღირსშესანიშნავი ყოფილა თავისი წარსულით, მისი მდიდარი ლიტერატურით, ხელოვნებით, საერო პოეზიის მინუშებით, რომელნიც ჯერ კიდევ არ არიან საკმაოდ დაფასებულნი, მაგრამ შესაძლებელია კი, რომ ეს კულტურის ნაწარმოებნი ყოფილიყონ ევროპის გონების განვითარებისთვის მისაზადე წყაროთ, საშუალო საუკუნოებისა და მათი აღორძინების ხანებში. ახლა ქართულმა მდიდარმა ლიტერატურამ ძველი დროისამ იმდენათ მიიქცა ევროპის ყურადღება, რომ თვით საქართველოს ერი არაღის ხელწამოსაკრავათ აღარ არის და მოსალოდნელიც არის მალე ის დრო, როცა ევროპის ძლიერი სახელმწიფოები ისეთივე თანაგრძნობით შეცქეროდნენ ქართველებს, როგორც ბერძნებს და სამხრეთის სლოვენთა ერებს. თუ ეინმე ყოფილა ჩვენში ასეთი საქმის მიზეზი, ა. ს. ხანანაშვილი პირველთაგანი უნდა იყოს. ამისთანა დამსახურებისათვის მართო სურვილი და გულის წადილი არ ქაროდა, საჭირო იყო საოცარი შრომა ქართული ლიტერატურის წყაროების შესწავლისათვის. მართლაც ამ ოცდაათი წლის განმავლობაში, რომელიც იწოდება ქართველი ერის გონების აღორძინების ხანათ, ბ-ნ ა. ს. ხანანაშვილს არა გამოპარვიარა ქართულსა და უცხო ქვეყნის ლიტერატურაში საქართველოზე რომ რამე დაწერილიყოს და იმას არ შეესწავლოს, არ შეეკრიბოს თავისი ღირსეული თხზულებისათვის.

გაბედვით შემიძლია ვთქვა, რომ მისთანა ნაკითხი და მცოდნე ქართული ლიტერატურისა და მწიგნობრობისა ჩვენ ამ ქამათ ძვირათ თუ ეინმე გვეყავს და მართლაც მხოლოდ ამისთანა დახელოვნებულ ქართველ მეცნიერს შეეძლო ისეთი წიგნების დაწერა და მეცნიერებისათვის გამოქვეყნება, როგორიც მან შეთხზა.


საქართველოს სიტყვიერების ისტორიის განხილვა ჩვენ ჯერ არა გექონია და, როგორც პირველი ცდა ასეთი შრომისა, შესანიშნავათ და საუცხოვრათ არის ასრულებული. ჩვენ იმას არ ვიტყვი, რომ ხანანაშვილის თხზულებას ნაკლებევენება არა ჰქონდეს რა, ან საკმაოდ იყოს დასრულებული; მაგრამ საქმე ის არის, რომ რაც აქამომდე წერილობითი საბუთები გამოქვეყნებულა ქართულსა და უცხო ენის ლიტერატურაში, ყველა აქვს ბ-ნ ხანანაშვილს თავის ორ წიგნში მოხსენებული, ასე რომ მისი წიგნები წარმოადგენენ მეცამეტე საუკუნის დამდეგამდის ქართული სიტყვიერების ისტორიის ძვირფას მასალი კრებულს. იმათი განხილვა და გადაშინჯვა, ყოველ უცხო ტომის მეცნიერს სიამოვნებით დააჯერებს, რომ

საქართველოს ერს მრავალი საუკუნოები გონების-განვითარებაში გაუტარებია და კაცობრიობის განვითარების ისტორიაში შესანიშნავი კვალი დაუჩენია.

ბ-წი ა. ს. ხახანაშვილი თავის პირველი წიგნის შესავალში აი, რას ამბობს: მთელი ჩვენი განხილვა ქართული სიტყვიერების ისტორიისა გამოვა ოთხ წიგნათ. პირველ წიგნში მოთავსებული იქნება საერთო ეპოსის ნაწარმოებნი და აპოკრიფიული თხზულებები ქართულ ენაზე; მეორე წიგნში იქნება ერცლათ მოთხრობილი ქართული მწიგნობრობის ისტორია უძველესი დროიდან მოკიდებული მეთორმეტე საუკუნის გასვლამდე. მესამე წიგნში იქნება მოთავსებული მწიგნობრული საბუთები მეცამეტე საუკუნიდან დაწყებული მეთვრამეტე საუკუნის გასვლამდე. ამ მესამე წიგნშივე იქნება შეტანილი ის მასალები წინანდელი ხანებისა, რომელნიც ვერ მოთავსებულან მეორე წიგნში. ხოლო მეოთხე წიგნი შეიცავს ახლანდელი დროის ქართული ლიტერატურის ისტორიას, რომელიც თან მოჰყვა რუსეთის უფლების დამკვიდრების დროიდან მოკიდებული მთელ მეცხრამეტე საუკუნეს“.

ბ. წაკითხული.

(შემდეგი იქნება)



„გ ს ც ხ ო ვ რ ო ბ თ!...“

(5.—800.)

I.

წიბრი კედელს, ჩიბრი კედელს!—წამოიძახა გულწრფელის სიმზიარულით ერთმა ჩემმა კარგმა ნაცნობმა, როდესაც მე და ვანო ცხენებით კარს მივადექით, და საჩქაროთ აივნიდვან კიბის საფეხურები ჩამოთვალა.

— ძლივს არ იკადრე ჩემი ქოხი და მოხვედი!

— ამ სიტყვებით მარცხენა ხელი ცხენს სადავეში წაავლო და მარჯვენა კი მე გამომიწოდა.

— ჩამოხტი, რალას უყურებ?!—შემომძახა და გადმომწია.

— მეჩქარება, ფეხად მინდა გავბრუნდე — გავეხუმრე და ცხენის გაბრუნება დავაპირე.

— შენ არ მოუკვდე შაქროს, რომ იმან დღეს აქედგან არ გაგიშვას!

— ბიჭო, ბიჭო, სად ჯანაბას დაიკარგე?! — მიტრიალდა და ბიჭს ძახილი დაუწყო. ამ დროს ცხენის სადავეს კი ხელს არ უშვებდა.

— გაგებუმრე, თორემ ჯოხითაც რომ გაგდებდა დამიპირო, მაინც აქედგან არსად წავალ. — ეუპასუხე სიცილით და საჩქაროთ ცხენიდგან ჩამოვხტი.

„ვანოსაც უკვე გაენთავისუფლებინა ცხენი, მათრახის ტარს წალის ყელს უბარტყუნებდა და ძირს ჩაიციკირებოდა.“

— მართლა, შაქრო, ე კაცს კი ვერ უტარებია რო ყურადღებას არ აქცევ?! — მივუთითე ვანოზედ, თვალი რომ მოგვკარი.

— შენზე აღრე ვანო გავიცანი. — მკვახეთ მიპასუხა და ბოდის მოხდით ვანოს ხელი ჩამოართვა.

„შაქროს ყვირილზედ ბიჭი ჩოხის ძველით, შშუნით გამოვიდა ძირის სახლიდგან და ცხენები ჩამოგვართვა. ჩვენ კი შაქროს წინამძღოლობით კიბეს შევედექით და საფეხურების ჭრიჭინით და წრიბინით ჩქარა აივანზე მოვექცეთ. აივანმაც აგრევე ჭრიჭინწრიბინით მიგიდო. შაქრო თავისებურის ხმაურობით ოთახში შევიდა, ჩვენ კი აივნის მოაჯირს მივეყრდევით და, ჩვენდა უნებურად, აივნის პირდაპირ ამართულმა კლდემ თვალი მოგვტაცა.“

— რა კაი სანახავი რამ არის! — აღტაცებით წამოიძახა ვანომ და გაჩუმდა.

„მეც ვგევე უნდა მეთქვა, მაგრამ იმან დამასწრო.“

„მართლადაც კედელსავეთ ჩამოვდესილი კლდე, უხარმაზარი კლდე, რომლის წვერიც ტყითა და მოლით იყო შემოსილი, საუცხოვო სანახავს წარმოადგენდა. შიგ ძირში კიდევ არაგვის ყვირილი ხომ სულ ამშვენებდა.“

— პოეტნი ყოფილან ჩვენი წინაპარნი, რომ ამისთანა მშვენებერ ადგილას ეკლესია აუშენებიათ! აგერ, ვერ ჰხედავ, აი, იმ ხის იქით, კლდის კალთაზედ ეკლესიას? აგერ, გამოქვაბულებიც! უთუოდ საბერო იქნებოდა.. — ჩაილაპარაკა ვანომ ცოტა ხნის შემდეგ.

— არც ეხლანდელი ჩვენი გლეხები ყოფილან ნაკლები. ვერ ჰხედავ, იქავე ახლოს, ველზედ, როგორ მოთავსებულა პატარა სოფელი! — ეუპასუხე მე და ხელით ტყეში გამონასკულ გლეხის სახლებზე მივუთითე.

— ღმერთმანი, შალვა! — მომიბრუნდა ვანო და თვალეში შემომაჩერდა: აღტაცებაში მოვდივარ, როდესაც ამისთანა სურათს ვხედავ და მთლად მადლობად გარდვიქმნები ხოლმე ჩვენ წინაპრებისადმი. მინდა მუხლის თავებზედ დავეცე და თაყვანი ვცე იმათ, რომ ეს მშვენიერება, ეს დიდება ჩვენვე გადმოგვეცა.

— უკაცრავად, უკაცრავად! — გამოვიდა ამ დროს შაქრო და ლაპარაკი შეგვაწყვეტინა: თავი მიგანებეთ, მაპატივეთ! ჩემი კნენია ცოტა შეუძლოთ არის და მე ვდიასახლისობ. უთუოდ გეშიებათ?


— არც უმაგისობაა. — ეუპასუხე მე: ამ მშვენიერმა ბუნებამ მშვენიერი მადა მომგვარა.

— ვაი, გამოიწყრა ღმერთი!... მაშ რილათი და გაძლოთ?

— მე ჩემ მხრივ — მიუბრუნდა ვანო შაქროს; პირობას გაძლევ, ერთი გოქისა და ნახევარ ინლოურის მეტს არ შევექამ.

— სვავი ხარ, შე ოჯახქორო, თუ რა?!

— დაღვეით კი თუნგ-ნახევარზედ მეტს არ დაველე.



— ღმერთი გამიწყურეს, ვანო, თუ თუნგ-ნახე-
ვარხედ მეტი ღვინო მქონდეს!

— მაშ, ჩემო შაქრო, სხვა მასპინძლის მოძე-
ბნა დამპირდება!— ვუთხარი მე და ხელი გაეუწოდე:
რაც ვანომა სთქვა ორი მაგდენი მე დამპირდება.

— ოი, ჩაგექცეთ მუცლები!... თქვე ოჯახქო-
რებო, წინად მაინც შემატყობინებდით, რომ მომე-
მზადებინა რამ. აბა, ახლა რა თავში ქვა ვიცე?

— არა უშავს რა, შენ ვანო დაიტოვე, მე კი
ჩემ თავს მოეუფლი.

— ჰაი, დედასა!.. მაშ შაქრო მოგიკედეთ, თუ
ღვინოში არ ჩაგაღრჩოთ!

— დაღრჩობა რომ მინდოდა, აგერ, არაგვი აქ
არ არის!.. ჩვენ მხოლოდ ღვინის დაღვევა გვინდა.—
ვუპასუხე მე და ისევ ჩვენ პირდაპირ კლდეს მიგუ-
ბრუნდი.

— მოგწონს, შალვა, ეგ ადგილი?.. ამას წი-
ნად ერთი ფრანგი მეწვია და კინალამ გაღირია, ისე
მოეწონა.

— მე ფრანგი არა ვარ, მაგრამ მეც ლამის არის
გადაძროს.

— საქართველოს ყველა კუთხეები რომ დაი-
არო, ამისთანა სიმშვენიერეს ვერსად ჰნახავ!..

— მაგას ნუ იტყვი, ჩემო შაქრო! მე დამიე-
ლია: ქართლი, კახეთი, იმერეთი და ამ არაგვის ხე-
ობას ხომ ჩემი ხუთი თითისავეთ ვიცნობ და, სწო-
რედ გითხრა, დაბეჯითებით ვერ ვიპასუხებ, რომე-
ლი უფრო მშვენიერია. ყველგან არის საუცხოო
ბუნების სიდიადენი, ყველგან თავისებური სიმშვე-
ნიერე აქვს, და, არ იცი, უპ რატელობა რომელს
მისცე. ის გზიბლავს, გიმონავებს, რომლის წინაც
სდგებარ და შესცქერი, და გაეიწყებს დანარჩენებს.

— ეგ ტყუილია. ამისთანა მშვენიერება არსად
არის! ეს თითონ ფრანგმა აღიარა..

— ფრანგმა ეგ აღიარა, მე კიდეც რაც გითხარ,
იმას აღვიარებ. ეხლა შენ იცი, რომელსაც ამოი-
ჩევ.— ცოტა დაკინვის კილოთი ვუთხარი და აივნი-
ღან გადავაღლე თვალი კარმიდამოს.

„სათონე, ბოსელი, ბაკი, ბოსტანი, ურემი, შე-
მა სულ ერთმანეთში იყო არეული. ჩვეულებრივი,
ქართველური უწყეს-რიგობა ეტყობოდა ყოველივე
ამას.

შაქრომ და ვანომ, მგონი, საქართველოს ბუ-
ნების სიმშვენიერებზე განაგრძეს ბაასი. არა გამიგია
რა. მე კი, შაქროს კარმიდამოს დათვლიერების
დროს, ჩემდა უნებურად, წარმომიდგა თვალ წინ ჩე-
მი, ჩემს მოგონებასთან შესისხლ-ხორცებული, კარ-
მიდამო. ცხადად ვხედავდი ავეთსავე კარმიდამოს,
ასეთსავე ალუფხულს, როგორც შაქროსი იყო და
შიგ კიდეც მოთამაშე, მოხითხითე და-ძმათ. ახ, რა
ნეტარი, გულ-წრფელი სიცილი მომესმა!.. არაერთა-
რი ზადი მას არ ეტყობოდა. „პატარა“ შალვა ემასხრე-
ბოდა თავის დას.

„სურათი სურათით იცვლებოდა. მომქმედ ში-
რებად და-ძმანი იყვნენ. ვხედავდი იმათ, ხან ცუცხ-
ლის მფრქვეველთ, ხან მთლად სიყვარულად გარ-
დაქმნილთ, ხან კიდეც რწმენით აღჭურვილთ და კი-
დეც სასოწარკვეთილთ.

მთლად წინ გადამეშალა პატარა შალვას წარ-
სული და ვხედავდი, როგორ თან და თან იმედი
იმედზედ უტრუფებოდა, როგორ თან და თან ეჭვი
ეპარებოდა, სახე ელარეოდა და ბოლოს მომიახლოვ-
და, შაქროს კარმიდამო შემოლახა, აივანი ააჭრიალა
და მთლად განადგურებული უეცრივ შემომივრთდა.

— ფუუ! — გველსავეთ დავიკლაკენე ამის შემდეგ
და უეცრივ მოეტრიალდი, თითქოს მინდოდა ის
შალვა განმედევნა, რომ იმედ, ძალა ჩემთან 'შემო-
ერთებით ცოტად კიდეც მბჭუტავეი სული არ ჩაჭკრო-
ბოდა.

— გეყოფა ამ სიმშვენიერის ჭკრეტა! ეხლა
დროა ჩვენი მოვალეობის აღსრულებას შეეუდგეთ!
— მიტრიალების უმალ მკლავში ჩამავლო ხელი შა-
ქრომ და ოთახისკენ გამწია.

— ჰა?!. რა მოვალეობისა? — დაბნეით შევე-
კითხე.

— რა მოვალეობისა და... რასაც კუჭი გვაე-
ლებს. სანამ შენ ამ სიმშვენიერით სტკებოდი, მე
და ვანომ სადილი მოვამზადეთ.

— ჰოო!.. — არ ვიცი კია რად წამოვიძახე „ჰოო“
და ოთახში შევეყვი. ვანო და ერთი უცნობი გლე-
ხი უკვე მოსხდომოდნენ გაშლილ სუფრას, გლეხი ჩემ
შესვლაზედ ფეხზე წამოდგა და მომესალმა.

— იცი, შალვა, ეს განგებ მოვიპატივე, მშვე-
ნიერი სიმღერა იცის.

— ერთმა რა უნდა გააწყოს? ერთს ორი კი-
დეც სხვა უნდა. — ვუპასუხე მე.

— აქ არა ვართ?... — წამოძახა შაქრომ.

— ჩემი იმედი კი ტყუილად გქონია და ვანო-
სი კი არა ვიცი რა.

— ცოტათ, შენ ამოიღებ ხმას, ცოტათი მე,
ცოტათი კიდეც ვანო და ამით საქმეს წინ წაეწევთ.

— აკი გეუბნები, ჩემი იმედი ტყუილად გაქვს.
მე რომ ხმა ამოვიღო, მაშინ ან თქვენ განვალთ გა-
რედ და ან კიდეც მე.

— ჯერ შაქროს წითელი ღვინო იგემე და მე-
რე ჰნახამ, რა ხმაც მოგივა. — წაილაპარაკა გლეხმა
და უღელაშებში ჩაიციხა.

— ჰა, ჰა, დაიწყე, ხორველის ანგელოზო?! სი-
ცილით ჰკითხა შაქრომ.

„მალეით შევხედე ჩემ პირ-და-პირ მჯდომ გლეხს,
ავათვლიერ-ჩავათვლიერე და მთლად კითხვის ნი-
შნად გარდვიქეცი. ცოტა მაღალი შუბლი, კლასი-
კური ცხვირი, დიდრონი, გონიერული თვალეები და
ქალარა თმა და წვერი ამშვენიებდნენ გლეხის სახეს.
„ამას ნამდვილი ანგელოზი უფრო უნდა უწოდონ,
ვიღრე ხორველისა“ გაეიჟიქრე ჩემდა უნებურად
და პურის ჭამას შეეუდგე.

„პირველში მოწყენილი სუტრა თან და თან გამხიარულდა. მართლა და შაქროს მშვენიერი გემოს წითელმა ღვინომ ზედ გავლენა იქონია. ყველას გული სასიამო გრძობით აავსო და, რასაკვირველია, შესაფერი ხმები გამოაცემინა. მეკი, ღვინოს წინაშე, ეშიშ ბღი ხმის ამოდებას, რადგანაც ჩემი ხმა ჩემ გრძობებთან შემომწყრალია. რაც უნდა სვეტაკი, დიდი გრძობით ვიყო გამსჭვალული, მაინც ჩემი ხმა შესაფერად არ მოეწყობა. თუ ხმა ამოვიღე, მაშინვე მსმენელმა, თუ პირ-და-პირ არ წამოიძახა: „რას ყროყინებსო“, გაიფიქრებს მაინც, ამას გაიფიქრებს, და, აბა, ყროყინით კი შენი გრძობის სინა ზეს როგორ გამოსთქვამ?!“

„სუფრული, მრავალ ქამიერ და მრავალი სხვა არაგვისპირული სიმღერები საუცხოვრით შეასრულა „ხორველის ანგელოზმა“ თავის ნაზი, ტკბილი ხმით. შაქრო და ვანოც კარგად უწყობდნენ ხელს, ბოლოს ჩაახველა, ხმა ამოიწმინდა „ხორველის ანგელოზმა“ და „მთაო გაღმიშვი, გაღმიშვი...“ ტკბილათ, გრძობით აღსაესე ხმით ნიავსავეთ შემოგვეპარა და უეცრივ მთლად შემბოჭა, შემბაყრო. ვანო და შაქრო დაბალ, სულ დაბალ, უჩინარ ბანს ეუბნებოდნენ და უერთებდნენ „ხორველის ანგელოზის“ ხმას. აჰ, რა ტკბილი და ამასთან მწვავე, ჯოჯოხეთის ცეცხლი ამენტო გულში?!

„ის მღეროდა გულ ამოსკენით, გულ ამოსკენით ვევედრებოდა მთას, რომ გადაეყარა ნისლი, გზა გადაეწმინდა, რომ მთის იქით გადასულიყო და დაენახა თავისი სატრფო, რომელიც სქვის მკერდს დაჰკროდა. მეც ამავე ღროს ვევედრებოდი ზეცას, განგებას, ბუნებას; ვევედრებოდი გულ-ამოსკენით, რომ მთლად გრძობად, სიყვარულად გარდაეკმნილიყავ და შევეერთებულიყავ ჰერს, რომ გადამელახა მთა, ღრე, ტყე და ველი; ყველა გამეთო, მკედრებით აღმედგინა და იმის გულსაც შეეხებოდი. იქნება გაციებული, გაყინული გული მაშინ მაინც გაღხეოდა და...“

„მაგრამ ვხედავდი: ზეცა, განგება, ბუნება და მუნჯებულიყო, გული გაჰყინებოდათ ისე, როგორც იმას და ჩემ მხურვალე ვედრებას, სასოწარკვეთილებას ყურადღებას არ აქცევდნენ. „ვხედავდი ჩემს უძლურებას, სიმჩატეს და ჩემი თავი მევე შემეზიზნა, გააცამტვერე და... ნიავსავეთ მისუსტდა, მისწყდა „ხორველის ანგელოზის“ ხმა და მასთან პობანეებისაც.“

— ჰოო, გიშველა ღმერთმა, ჩემო ხორველის ანგელოზო! — წამოიძახა შაქრომ და ჭიქები შეავსო.

— „შაქროს სიტყვებმა გამომარკვეეს. მეწყინა, რომ შაქრო ამისთანა მომღერალს და მშვენიერი სახის ადამიანს „ხორველის ანგელოზს“ ეძახდა.

— თუ ძა ხარ, შაქრო! — მიეუბრუნდი იმას და ნაღვლიანი ხმით მიემართე: აბა, რა საკადრისია, ამისთანა ადამიანს „ხორველის ანგელოზს“ უწოდებ?! — ხა, ხა, ხა!.. — პასუხად გულ-წრფელი ხარ-

ხარი მომახალა პ-რში და განაგრძო: ჩემი რაზმისაა ლია, კაცო, როცა თავის თავს თითონვე „ხორველის ანგელოზს“ უწოდებს?!“

„დაგვიანებულმა საღილმა დიდხანს გასტანა. ბიჭმა რომ სანთლები შემოიტანა, მაშინლა მივაქციე ყურადღება, რომ შებინდებულოყო და სუფრას ძლივას და ვარჩევიდი.

— ღროა საღილი გაეთავოთ! — წამოვიძახე და აღვომა დავაპირე.

— მოიცა, თუ ღმერთი გწამს, რა ღროს ადგომა! ჯერ, აი, სიმონას ვამბობინოთ, როგორ დაერქვა ხორველის ანგელოზი! სიმონ, — მიუბრუნდა ახლა სიმონას: ერთი ამათ უამბე შენი თავდასაველი!...“

— შენ თითონ უამბე, ხომ იცო. უპასუხა სიმონამ და თამბაქოთი ჩიბუხს ტენა დაუწყეო.

— არა, სიმონ, შენ კარგათ მოჰყეები ხოლმე. მე ძალიან მინდოდა გამეგო, თუ რათ დაერქვა „ხორველის ანგელოზი“ ამ სიმპატიურ ადამიანს და ამისთვის მეც ჩემის მხრივ ეთხოვე.

შ. ანგეისშირელი.

(შემდეგი იქნება).

წერილი რედაქციის მიმართ.

ბ-ნო რედაქტორო! გიგზავნით განსვენებული ეგნატე ნინოშვილის გაყიდული სურათების შემოსავალს, ჩვიდმეტ მან. და თხუთმეტ შაურს, და გთხოვთ გადასცეთ განსვენებულისაკე ბიძაშვილს, რომლის სასარგებლოთაც არის გამოცემული ჩემ მიერ შემოსვენებული სურათი.

23 აქტობ. 95 წ. სოფ. ჩხარტიშვილისა.

რედაქციამ ეს ფული მიიღო და მიუმატა იმ ფონდს, რომელიც ეგ. ინგოროყვას ბიძაშვილის საღწრდელათ არის დანიშნული.

„ქვალის“ ფოსტა.

ბ. ნიკოლოზ ესტატიძეს: თქვენი ლექსი არ დაიბეჭდება. ბ. - ს - ის: თქვენი ლექსი „ოცნება“ არ დაიბეჭდება.

რედაქტორ-გამომცემელი ან. თ. წერეთლისა.